

आकाशवाणी

- प्रधानमंत्री नरेंद्र मोदी होंरें आखेआ ऐ कि भारत ते अमरीका बश्कार होए दे बपार समझौता उप्परोतली बरते गेदे संयम ते सरकार दे नपे-तुले रौंस दा नतीजा ऐ।
- कई केंद्री मंत्रिएं बक्ख-बक्ख राज्यें ते मुख मंत्रिएं ते बपार संगठनें भारत अमरीका बपार समझौते दी सराहना करदे होई आखेआ ऐ जे एहदे नै भारत दी अर्थ बवस्था गी मजबूती दे कन्नोकन्नी कम्म रोजगार दे मौके उपलब्ध होडन।
- बरोधी धड़ें दी डंड रौली दे चलदे अज्ज सदन च जबरदस्त हंगामा होआ, 8 सांसदे गी बजट इजलास दे बाकी हिस्सें लेई बरखास्त कीता गेआ, लोकसभा दी कार्रवाई कल्लै धोड़ी स्थगित।
- रेल मंत्री अश्विनी वैशणव होंरें मुम्बई-अहमदाबाद हाई स्पीड रेल परियोजना दी दुई सुरंग दी कामयाबी दी घोशणा कीती ऐ।
- सुप्रीम कोर्ट नै आखेआ ऐ कि आई.टी कंपनियां डेटा सांझा करने दे नांस पर नागरिकें दी निजता कन्नै खिलवाड़ नेई करी सकदियां।
- महिला प्रीमियर लीग च अज्ज गुजरात जायंट्स दा मकाबला दिल्ली कैपिटल्स कन्नै शुरू होने आहला ऐ।

<><><><><><>

PM-US Trade Agreement

प्रधानमंत्री नरेंद्र मोदी होंरें अज्ज आखेआ ऐ जे अमरीका दा भारत कन्नै होए दा बपार समझौता इक उप्परोतली बरते गेदे संयम दा नतीजा ऐ।

एह गल्ल उनें अज्ज एनडीए दे सांसदे गी संसदीय दल दी बैठक गी संबोधित करदे होई आकखी। सूत्रे मुजब प्रधानमंत्री होरे आखेआ कि इस बपार समझौते नै इक आर्थिक माहौल तयार कीता ऐ जेड़ा सरकार आसेआ बक्ख-बक्ख आर्थिक मंचे पर कीते गेदे बचार-बटांदरे ते उप्परोतली कीते गेदे अनथक जत्ने दा नतीजा ऐ।

<><><><><><>

CM's-US Trade

देसै दे बक्ख-बक्ख राज्ये दे मुखमंत्रिएं भारत अमरीका बपार समझौते दी सराहना कीती ऐ। उनें इसी भारत दे विनिर्माण क्षेत्र निर्यातके, एमएसएमई-एं ते नौजोआनें दे हिते च पुट्टेआ गेदा इक महत्वपूर्ण कदम दस्सेआ। आंध्र प्रदेश दे मुखमंत्री एन चंद्रबाबू नायडू होरे इसी कुल संसारी आर्थिक स्थिरता लेई इक ऐतिहासिक गैस करार दिता। उत्तर प्रदेश दे मुखमंत्री योगी आदित्यनाथ होरे आखेआ जे इस समझौते कन्ने मेक इन इंडिया गी मता प्रोत्साहन थहोग।

<><><><><><>

ASOCHAM

एसोचैम नै आखेआ ऐ जे भारत अमरीका बपार समझौते कन्ने विश्व बपार नेतृत्व दे इक नमें युग दी शुरूआत होई ऐ। संगठन दे अध्यक्ष निर्मल के मिंडा होरे आखेआ ऐ कि अगले 5एं बरे च दौनें मुखे बशकार दपकखी बपार 500 अरब डालर तगर पुज्जने दी मेद ऐ। उनें आखेआ जे एह कदम भारत ते अमरीका बशकार बपारिक गतिविधिएं गी अगले स्तरै धोड़ी लेई जाने लेई बत पदरी करदा ऐ।

<><><><><><>

Stock Exchange

नेशनल स्टॉक एक्सचेंज दे एम.डी.ते सी.ई.ओ आशीष कुमार चौहान होरें अज्ज भारत अमरीका बपार समझौते दी सराहना कीती ते इसी नवाचार दा इक्क इंजन दस्सेआ। नमीं दिल्ली च मीडिया कन्ने गल्लबात करदे होई श्री चौहान होरें आखेआ जे एह समझौता प्रौद्योगिकी, श्रम ते इलेक्ट्रानिक निर्यात दे मामले च दौनें मुख्यें लेई फायदेमंद ऐ।

<><><><><><><><>

CII-US Trade Deal

भारती उद्योग दे संगठन सी.आई.आई नै अज्ज भारत-अमरीका बपार सौददे दी सराहना कीती ते इसी दौनें मुख्यें बशकार रणनीतिक आर्थिक सांझेदारी आली बक्खी इक महत्वपूर्ण गें आखेआ। सी.आई.आई दे अध्यक्ष श्री राजीव मेमानी होरें आखेआ जे 18 फीसदी टैरिफ दी अपेक्षित कटौती कन्ने भारती उत्पादें दी वैश्विक मुकाबले दी क्षमता गी बढ़ावा मिलग जेदे कन्ने रोजगार, आपूर्ति श्रृंखला च विकास ते विनिर्माण बदी जाहग।

<><><><><><><><>

LS Dismissal of Members

संसद च अज्ज जबरदस्त डंड रौली दिक्खने गी लब्बी जिस दरान सदन दी मर्यादा दी अनदिक्खी करदे होई मिम्बर दिक्खे गए। लोकसभा च बरोधी धड़ें दे सांसदें अज्ज रज्जियै हंगामा कीता, डंड रौली पाई ते स्पीकर दी कुर्सी बक्खी कागज छंड कराए।

बरोधी सांसदें दी इस हरकत पर सख्त रौं अपनांदे होई 8 सांसदें गी मजूदा बजट इजलास दे बाकी हिस्सें लेई बरखास्त करी दिता गेआ। दिन भर चले दे शोर-शराबे दे बरोध प्रदर्शन दे कारण सदन दी कार्रवाई कई बारी स्थगित करनी पेई ते आखरकार हंगामा नेई थमोंदा दिक्खियै लोकसभा दी कार्रवाई बुधवार धोड़ी स्थगित करनी पेई। अज्ज विवाद दी शुरूआत उसलै होई जिसलै पीठासीन अधिकारी नै कांग्रेस नेता राहुल गांधी गी बोलने दी इजाजत नेई दिती ते अगले मिम्बर दा नां बोली दिता जेहदे पर बरोधी दलें जबरदस्त बरोध दर्ज करांदे होई रौला रप्पा पाना शुरू करी दिता। समाजवादी पार्टी ते तृणमूल कांग्रेस समेत कई होरनें बरोधी दलें दे सांसदें बी बोलने शा इंकार करी दिता जेहदे चलदे सदन च तनोतनी होर बधी गेई। एहदे पर नराज बरोधी पार्टिएं दे सांसद सदन दे बिच्च बशकार आइयै नारेबाजी करन लगे ते केइएं इस दरान स्पीकर दी कुर्सी आहली बक्खी कागज छंड कराए। सदन दी कार्रवाई कई बारी अगड़े पानी पेई। पैहले 12 बजे तगर ते फही 2 बजे ते ओहदे मगरा 3 बजे तगर। दपैहरी 3 बजे जिसलै सदन दी कार्रवाई परतिए शुरू होई तां पीठासीन अधिकारी नै साफ कीता जे स्पीकर हुंदी कुर्सी बक्खी कागज छंड कराने आहले मिम्बरें दे नां दर्ज कीते जान जेदे तुरत मगरा संसदीय मामले दे मंत्री किरेन रिजिजू होरें इनेंगी बरखास्त करने दा प्रस्ताव पेश कीता जिसी सदन नै मूंह जबानी मंजूरी बी देई दिती।

<><><><><><>

Rajyasabha Motion of Thanks

राज्यसभा च राष्ट्रपति हुं'दे अभिभाषण पर धन्नवाद प्रस्ताव पर चर्चा अज्ज फही शुरू होई।

चर्चा च हिस्सा लेंदे होई भाजपा दे घनश्याम तिवारी होरें आखेआ जे जे नरेंद्र मोदी हुंदे नेतृत्व च सरकार 2047 तगर भारत गी इक विकसित राष्ट्र बनाने आस्तै कम्म करा'रदी ऐ। उनें आखेआ जे 25 करोड़ लोकें गी गरीबी थमां बाहर कड्डेआ गेआ ऐ ते 95 करोड़ लोकें गी सामाजिक सुरक्षा दे दायरे च आहन्नेआ गेआ ऐ। कांग्रेस सांसद रजनी अशोकराव पाटिल होरें आखेआ जे राष्ट्रपति हुंदे अभिभाषण च देश दी वास्तविक स्थिति गी नेई दर्शाया गेआ ऐ। उनें दावा कीता जे वैश्विक स्तर पर भारत दी प्रति व्यक्ति आय बड़ी घट्ट ऐ। श्रीमती पाटिल होरें आखेआ जे निर्यात घटा'रदा ऐ ते बेरोजगारी दर बदी गेई ऐ। वाई.एस.आर.सी.पी. सांसद गोल्ला बाबूराव होरें गलाया जे प्रधानमंत्री नरेंद्र मोदी हुंदे नेतृत्व च देश विश्व दी चौथी सभनें शा बड्डी अर्थव्यवस्था बनी गेआ ऐ। उन्होंने आखेआ जे गरीबें आस्तै 5 करोड़ पक्के मकान बनाए गए न ते 12 करोड़ लोकें गी नल से जल उपलब्ध कराया गया ऐ। शिवसेना दे मिलिंद मुरली देवरा होरें आखेआ जे भारत दी अर्थव्यवस्था सालाना 7 प्रतिशत दी दर कन्नै बदा'रदी ऐ।

<><><><><><>

Vaishnav High Speed Rail

केंद्री रेल मंत्री अश्विनी वैशणव होरें अज्ज महाराष्ट्र दे पलघर च मुम्बई-अहमदाबाद हाई स्पीड रेल परियोजना दी दुई सुरंग दी कामयाबी दी घोशणा कीती। एह मुख्यै दे प्रतिष्ठित बुलेट ट्रेन कारिडोर च इक महत्वपूर्ण मील दा पत्थर ऐ।

इस मौके पर बोलते होई वैशुणव होंरें आखेआ जे पालघर च पैहली सुरंग दी कामयाबी दो जनवरी गी होई ही जेहदे ठीक इक्क म्हीने बाद एह दुई कामयाबी हासल कीती गेई ऐ।

<><><><><><><>

FICCI Union Budget

भारती बपार ते उद्योग महासंघ फिक्की दे अध्यक्ष अनंत गोयनका होंरें आखेआ ऐ कि दुनिया भरै च बनी दिएं आर्थिक चुनौतिएं दे बावजूद बी इस बरे दा केंद्री बजट नीतिगत स्पष्टता, सुधारें दी निरंतरता प्रदान करना ऐ। ओ अज्ज नमीं दिल्ली च फिक्की आसेआ आयोजित केंद्री बजट सत्र गी संबोधित करा करदे हे। उनें सरकारी खजाने दी मजबूती लेई सरकार दी बचनबद्धता ते सार्वजनिक खर्चें गी बढ़ावा देने दी सराहना कीती। गोयनका होंरें मैनुफैक्चरिंग एम.एस.एम.ई, ढांचागत निर्माण ते प्रौद्योगिकी पर आधारित होरने कई क्षेत्रें पर ध्यान दिते जाने दी बी सराहना कीती। उनें आखेआ कि एहदे नै विकास ते रोजगार च बाददा होग ते भारत दी अंतरराष्ट्री सतह पर मकाबलेबाजी बधोग। खजाना मंत्रालय च आर्थिक कम्में कारवाइएं सरबंधी मैहकमे दी सचिव अनुराधा ठाकुर होंरें फिक्की दे संवाद सत्र दरान आखेआ कि कुल संसारी सतह पर बनी दी यक्को तक्की आहली स्थिति दे बावजूद भारत इक निगगर अर्थ बवस्था बने दा ऐ। वित्त मंत्रालय च राजस्व विभाग दे सचिव अरविंद श्रीवास्तव होंरें आखेआ कि बजट दे कर प्रस्तावें दा मकसद टैक्स प्रक्रिया गी सखल्ला बनाइयै मते लोकें गी ईमानदारी कन्ने टैक्स भरने लेई प्रेरित करना ऐ।

<><><><><><><>

Supreme Court Meta

सर्वोच्च न्यायालय नै अज्ज आखेआ जे तकनीकी कंपनियां डेटा सांझाकरण दे नांs पर नागरिकें दी निजता दे अधिकार कन्नै खिलवाड़ नेई करी सकदियां। भारती प्रतिस्पर्धा आयोग-सीसीआई दे आदेश खिलाफ मेटा ते व्हाट्सएप दी अपीलें दी सुनवाई करदे होई सर्वोच्च न्यायालय नै उनेंगी सख्त फटकार लाई। आयोग नै उंदी निजता दी नीति गी लेइयै लेकर 213 करोड़ रुपये थमां बद्द दा जुर्माना लाया हा। मुख् न्यायाधीश सूर्यकांत ते न्यायमूर्ति जॉयमाल्य बागची ते विपुल एम. पंचोली हुंदी पीठ नै आखेआ जे ओह 9 फरवरी गी अखीरी आदेश पारित करडन। न्यायालय नै इलेक्ट्रॉनिक्स ते सूचना प्रौद्योगिकी मंत्रालय गी बी याचिकाएं च पक्षकार बनाने दा निर्देश दिता। सरकार आसेआ सॉलिसिटर जनरल तुषार मेहता नै व्यावसायिक उद्देश्यें आस्तै उपयोगकर्ता डेटा सांझा करने दी शोषणकारी प्रथा दी आलोचना कीती। एहदे पर मुख् न्यायाधीश होरें आखेआ जे संविधान दे नियमें दा पालन नेई करने आले जिम्मेदार लोकें गी भारत छोड़ी देना लोइचदा। उनें आखेआ जे नागरिकें दी निजता कन्नै समझौता नेई कीता जाहग।

<><><><><><>

PM-Scindia Article

प्रधानमंत्री नरेंद्र मोदी होरें आखेआ ऐ कि त्रिपुरा नै विकास बी विरासत बी आहले मूल मंत्र गी अपनांदे होई बड़ी तेज रफ्तार कन्नै तरक्की कीती ऐ ते राज्य नित नमियां उपलब्धियां हासल करै करदा ऐ। इक राश्ट्री दैनिक अखबार च छपे दे केंद्री मंत्री ज्योतिरादित्य सिंधिया हुंदे लेख गी सांझा करदे होई प्रधानमंत्री होरें एह गल्ल आकखी। उनें आखेआ जे सिंधिया होरें त्रिपुरा यात्रा दे अपने तजुर्बे सांझे कीते न।

मोदी होंरें आखेआ कि सिंधिया होंरें इस लेख दे राएं त्रिपुरा दे बदलदे सरूप ते एहदी बेशमार संभावनाएं दा तफसील च बखान कीते दा ऐ।

<><><><><><><>

W.B Ed Raids

माली नियम लागू करने सरबंधी निदेशालय ई.डी नै अज्ज पच्छिम बंगाल दे पच्छमी बर्धमान जिले च कई थाहरें पर छापेमारी कीती। केंद्री नीम फौजी बलें दिएं टीम कन्ने ई.डी अधिकारिं पांडवेश्वर, जमुडिया, अंडाल, दुर्गापुर ते पानागढ़ च तुपाई अभियान चलाया। इस कार्रवाई च कई प्रमुख कारोबारिं ते इक पुलस अफसर दे घरें च छापे मारे गए। दुर्गापुर दे सिटी सेंटर इलाके च बुदबुप पुलस स्टेशन दे मौजूदा एसएचओ मनोरंजन मंडल दे घर बी छापा मारेआ। इस अधिकारी गी एहदे शा पैहले बाराबोनी दे इंचार्ज अफसर दे रूप च अपने कार्जकाल दे दरान मुअतल कीता जाई चुके दा ऐ। उन्दे अलावा सेपको टाउनशिप च लेतर कारोबारी प्रबीर दत्ता दे घर बी तलाशी लैती गई जिसलै जे जमुडिया च ई.डी दी 16 मिम्बरी टीम नै हार्डवेयर बपारी राजेश बंसल कोला पुच्छ-गिच्छ कीती। पांडवेश्वर दे नबग्राम च इ.डी नै इक कोयला बपारी मैजुल शाहदे घर बी तलाशी लैती। ई.डी नै अज्ज शामी धोड़ी इनें छापें दे कारणें बारें कोई आधिकारिक बयान जारी नेई कीता ऐ उआं सूत्रें दा आखना ऐ कि एह अभियान मकामी सतह पर लेतर ते कोयला बपार कन्ने जुड़ी दिएं लैन-देन सरबंधी बेजाब्लिं दी जांच कन्ने सरबंधत ऐ।

<><><><><><><>

Cricket-WPL

महिला प्रीमियर लीग क्रिकेटर च अज्ज बडोदरा च गुजरात जायंट्स दा मकाबला डेल्ही कैपिटल्स कन्ने होग। एह मैच शामी साड्डे सत्त बजे शुरु होग- जेहदा जेतु वीरवारें होने आहले फाईनल मकाबले च रॉयल चैलेंजर्स बेंगलुरु कन्ने खेडोग। स्मृति मंधाना दी कप्तानी च RCB-लीग मकाबले च सब्भने शा अक्वल रौहने कारण पैहले गै फाईनल च पुज्जी चुकी दी ऐ। एहदे शा पैहले जेमिमा रोड्रिग दी अगुआई च दिल्ली कैपिटल्स नै अतरु ऐतवारें खेड्डे गेदे खीरी लीग मैच च यू.पी. वारियर्स गी 5 विकटें कन्ने रहाया हा। हून इलिमिनेटर राउंड च अज्ज ओहदा मकाबला गुजरात जायंट्स कन्ने होग।

<><><><><><>

Badminton Asia Team

बैडमिंटन एशिया टीम चैंपियनशिप अज्ज चीन दे किंगदाओ च शुरु होई गेई ऐ। एशियाई मुल्खें दियां पुरुष ते महिला राश्ट्री टीमां इस टूर्नामेंट च शामिल होंगन। भारती महिलां अपना खताब बरकरार रखने दी कोशश करंगन। ऐकती भारती टीम च दोब बारी ओलंपिक मैडल जिती चुकी दी पी.वी सिंधु शामिल नेई ऐ। भारत गी थाईलैंड ते म्यामां कन्ने ग्रुप वाई च रखेआ गेदा ऐ। तन्वी शर्मा, उन्नति हुड्डा, मालविका बंसोड ते त्रिशा जॉली ते गायत्री गोपीचंद दी जोड़ी भारती महिला टीम दा हिस्सा न जिसलै जे मर्दे दी भारती टीम जेदे च लक्ष्य सेन, एच.एस प्रणय, किदांबी श्रीकांत ते सात्विसाईराज रेड्डी ते चिराग शेटी दी जोड़ी शामिल ए, गी जपान ते सिंगापुर कन्ने ग्रुप सी च रखेआ गेदा ऐ।

<><><><><><>

Balochistan Killings

पाकिस्तान दे इक मशहूर मनुक्खी अधिकारें सरबन्धी संगठन नै बलोचिस्तान दे नुश्की जिले च कैडेट कालेज कश इक यात्री गड्डी पर पाकिस्तानी सुरक्षाबलें आसेया कीती गेदी गोलीबारी च घट्टोघट्ट 10 आम नागरिकें दे मारे जाने दी खबर दिती ऐ। हमले दी निंदेया करदे होई बलूच वॉयस फॉर जस्टिस नै आखेया ऐ जे नहत्थे लोकें पर इस चाल्ली कन्नै हमले करना गैर मनुक्खी ते गैर-कनूनी हरकत ऐ- जेहड़ी मनुक्खी अधिकारें दी सरासर खलाफवर्जी ऐ। संगठन दा आखना ऐ जे पाकिस्तानी फौज दी जारी इस चाल्ली दी हिंसा कन्नै समूलचे बलोचिस्तान च डर ते असुरक्षा आहला माहौल पैदा होई गेदा ऐ। तोंआई ब्लोचिस्तान दी मनुक्खी अधिकारें सरबन्धी परिषद नै बी कल आखेया हा जे पिच्छले बरे प्रांतें च पाकिस्तानी सुरक्षाबलें दी कारवाई च 598 लोक मारे जाई चुके देन।

<><><><><><>